



眉公先生晚香堂小品卷之五



雲間陳繼儒著

詩

五言

月夜登金山

江平秋萬里。山靜月三更。彷彿寒烟外。瓜州有鴈聲。

題郭璞墓

浩浩風波中。悠悠利名路。若個舞扁舟。垂綸郭璞墓。

吳師明騰月雙壽

月白人吹笛。山青鹿叩門。梅花新壓酒。迎取眼前春。
送超然入雲棲。錢塘羅剎潮。吹汝肩上錫。雨過踏春山。泥印鬪虎跡。
贈無瑕上人。寶劍繡不飛。化作長虹影。霜月照禪床。何如鐵衣冷。
贈玉湖漁父爲周叔隱高士作四首

風風雨雨中。新得老漁父。長嘯不驚鷗。花溪蕩雙櫂。
其二

月出浦沙明。掀篷望高柳。痴筆寫青山。換得烏程酒。
其三

醉披白鷺蓑。撥入寒山影。模糊雲在頭。蘓殘笛聲冷。
其四

樵青與釣童。嚮人復安在。周郎三尺竿。補公烟雲債。
遠興

涼雲如水流。遠渡鵲巢去。林葉歷亂飛。仙人嘯高樹。
紅梅

十月衆芳歇。寒風更淒咽。一點漏春光。紛紛落紅雪。
登烟雨樓

樹色度平沙。雞聲在空水。高秋獨上樓。風晴亦烟雨。
夏日贈山中友

長安諸大人。夢逐車馬足。誰能坐山寒。隔橋望空谷。
青塚

一自埋胡土。荆綦掩墓門。至今明月夜。青草語黃昏。
新秋寓山寺

禪誦晚風前。風微遞暮蟬。起來池上坐。洗鉢澄青蓮。
招雀

仙人掃石坐。手揮石上琴。不知山雀來。踏破松花陰。

李夫人

金屋網流塵。松風吹錦茵。珊珊環珮聲。欲去還逡巡。
相如滌器

有婦顏如花。有酒色如銀。擁婦復飲酒。長卿不自貧。
鴻門碎玉斗

拙哉騃孺子。乃爲漢所誘。玉玦爾無成。玉斗爾何有。
江皋解珮

相見不相識。可望不可呼。明月照空水。猶疑遺佩珠。
高漸離擊筑

仰看白日徂。俯傷朱顏酖。擊筑道路傍。相視欲如何。
細腰宮。朝來不飽粟。夜來待君宴。妾腰如柳絲。東西任風捲。
韓重荅紫玉歌。鴛鴦飛差池。載鳴還載悲。情知張羅網。到死不相離。
宿龍井

薄暮日氣黃。腥風戰林莽。行者避虎嗥。居者發精爽。
金橋上。兄弟自兩兩。逍遙板橋上。一道柳風來。寒衣渡花浪。

贈楊姬

少婦顏如花。妬心無乃競。忽對鏡中人。撲碎粧臺鏡。
登攝山

涼風吹雪驢。送我秋木杪。頭上有殘雲。足下有飛鳥。
讀李廣傳

天子老將軍。不遣入部伍。見種東陵瓜。還射南山虎。
聞鶯

風光尚冥冥。黃鳥啼不住。借問隔窗僧。曉來聽也未。
蜂

羣蜂乃排衙。剪綴百花色。菓底蜜房懸。纍纍衆香國。
壽王母

玉瓚貯黃流。丹砂忽吞吐。何如阿母顏。桃花方十五。
飲惠泉有感

陸羽竹爐寒。清泉氣若蘭。如何出山後。便作下流看。
雪夜

一斗紫醪酥。百石葡萄酒。粉面裹貂瑜。琵琶不停手。
顧校書拆梅寄姚百雉。花郵爲誰髯道人潘景升
也。代顧祝潘戲得二首。

摘花豈不憐。分香憐自我。花得入歡懷。投儂一車果。

其二

所思美且髯。花郵髯亦好。寄花不到歡。剪儂鬚鬪草。
仲春過吳門游虹橋積善庵題畫

絕壁挂松陰。遮絕游人路。好着支筇僧。石上成三箇。
題碧梧高士

閒揮白羽扇。一再讀靈文。世外無生客。胸中有活雲。
送友

三年一鬪草。萬事總空花。是人能逐鹿。無筆不驚蛇。

送維默上人

汝爲看梅花。不待花謝去。香雪白茫茫。尋汝知何處。

新夏

細雨滴梧桐。新枝覆新葉。露頂涼風前。雙鉤青李帖。

題畫

茆閣架空巖。飛瀑如亂雪。有客抱筇來。行吟踏秋葉。

題馬姬畫蘭

畫蘭不在肖。可與郎知否。非無桃李花。貴出儂親手。

山居夜望

兒童逐白鷗。轉入松蘿影。夜深不歸來。月照葛洪井。

春日

飛瀑界桃花。幽雲幕修竹。門外無人來。家中有書讀。

棲真洞

白雲扶我來。轉入棲真洞。記得月明中。鐵笛曾三弄。

泖橋

水月吾無隱。松風汝弗如。草堂清不掃。一卷圯橋書。

題飛瀑圖

初夏雨新晴。濃陰沒石齒。空巖雪瀑飛。中有巢居子。

山居

屋在嶙峋上。人宜淡泊中。每逢花信後。如意一枝筇。

望鄉臺

登臺望故鄉。空慚氣如虎。祖老不封侯。孫敗爲降虜。

自題芭蕉二首

芭蕉大於扇。覆君之古書。門外有客來。買得新鱸魚。

其二

秋夜夢無聊。芭蕉雨又敲。園西多隙地。移近赤欄橋。

秋色二首

新雁已渡江。尚覺秋陰重。舉世大槐宮。馬論醒與夢。

其二

飛瀑白于雲。泉清石根冷。道人晚開門。十里松杉影。

白門柳

苑彼白門柳。垂條近左肘。月宿宮鴉青。春風對面酒。

五大夫松

咸陽一炬火。宮殿成荒蕪。睽彼山上松。猶稱五大夫。

爨琴

軫以白玉絃。塗以黃金徽。寧知爨下材。清音世所稀。

梅

開時在花始。落時在花終。名遂乃身退。汝乃善居功。

菊

桃李領春色。黃花點秋容。萬物各有時。而况真英雄。

蓮

吾欲採蓮花。安坐如車輪。吾欲採蓮葉。酌酒弄明月。

雨中泊烟雨樓

烟雨織河光。半露垂楊樹。却笑來游人。畚因雨中去。

風竹

藤花復高眠。窗所忽驚寢。不是故人來。風動新篁粉。

客至

綠楊覆其上。白鷗繞其側。扁舟何處來。六月羊裘客。

鄭櫻桃

婉孌鄭櫻桃。無奈此狡童。挾彈長安街。賣珠館陶宮。

題咏蕉圖

我築讀書臺。滿種芭蕉樹。夜聽風雨聲。閒來寫詩句。

弄魚

小兒學弄魚。却爲魚所弄。司馬有相公。少時能破甕。

兄肩弟

少小兄弟時。有力負而走。如何中道分。推挽不出手。

商拳

兒曹不識數。呼十常道九。自誇能弄拳。還是模稜手。

避暑

避暑先避客。就水先就陰。臨風一杯酒。無枕一張琴。

梅雪二首

羣鳥鬧梅花。不避春雪冷。我亦如鳥忙。欲立高峰頂。

其二

老僧與韻士。翁集我山家。鳥亦頗不俗。雪裏餐梅花。

題畫

秋高木葉丹。月出水容白。吹笛看飛鴻。我是烟波客。

呈卷懷和尚

有一大比丘。能持菩薩戒。長讀南華經。青松寒影下。

春日山中人招飲

醉舞春山中。雙袖如飛霞。倦倚白石根。遠見櫻桃花。

耽隱

醉鄉真太上。高枕亦何言。我意誰能解。青松暗暮泉。

題淡雲上人碧桃園

寂寂倚春風。但伴竹與石。禪心淨如水。洗盡朱顏色。

山水居

孤嶼俯春江。天青浪花冷。石竇小如錢。窺見飛帆影。

穆天子

白雲滿瑤池。爲樂歌且飲。三年復來翔。何以娛樂朕。

贈池上人

獨坐峰頂時。寒雲繡磐石。千山飛鳥外。望見江清色。

讀書山寺

山風掃竹窗。半弄梧桐影。一卷古楞嚴。床頭瀑泉冷。

題竹石茅屋

竹色冷于泉。泉聲響于竹。有客對山僧。幽冷白茅屋。

秋郊晚酌

漁郎不採魚。維舟在高柳。日暮浦沙明。秋霞落杯酒。

避雨陵

殺北有高陵。風雨一何駛。勿剪陵上松。美人曾至止。

習家池

渴取明月食。醉處浮雲眠。安得習家池。忽然化酒泉。

題淡雲上人綠雲圖

手書華嚴經。已得三四卷。鷓鴣啼竹中。說偈自清遠。

九微燈

青鳥集殿上。龍膏然九微。阿母太真冠。晨纓綠歲蕤。

玉鏡臺

遺妾玉鏡臺。白色那可比。偷視溫家兒。兩髻亦如此。

梁公博裘

千金襲翠裘。着來殿上賭。一言誓如山。媚娘不得取。

解語花

喚妾解語花。妾小不解語。所以君王前。錯呼爾與汝。

贈姚叔梁來游華亭二首

山高鳥不巢。水清魚不住。至人渾是非。一味模糊樹。

其二

運肘如風旋。雲起障中樹。他日游華亭。與爾騎崔去。

題竹柳圖

竹以招伯夷。柳以招靖節。安得同此人。踏殘滿庭月。

木筆

春雨濕窗紗。辛夷弄影斜。曾窺江夢彩。筆筆忽生花。

蘭

誰將清淨水。浣茲根與塵。幽香不出戶。本色住山人。

山茶

少小倚朱顏。姍妮山園裡。何如玉川翁。松風煮秋水。

芍藥

上巳臨溱洧。春風轉一枝。枝頭落花後。留爾結相思。

茉莉

美人新浴罷。團扇慵無力。月白香風來。倚欄空嘆息。

繡毬

白玉琢花文。紛紛復似雲。休教獅子吼。攪亂一團春。

桂

有人夢廣寒。桂叢千萬樹。宮門鎖不開。留與眉公住。

方竹

外方而內虛。得道已無上。不勵魚郎竿。還勵仙人杖。

題東方生圖贈孫嗣洲山人

吾聞上元桃。其核及徑尺。持贈孫山人。同作東方客。

春雨

春江欲入戶。雨勢來不已。小屋如漁舟。濛濛水雲裏。

題葛稚川像

勾漏白雲多。雲度松花冷。五色泉可餐。月沉葛洪井。

詠螢十首

懶向囊中處。羞從草間活。自有黯然光。風塵不能奪。

其二

光彩有時呈。風流無所住。不愧暗室中。明來亦明去。

其三

晚耽書史中。不甘草同腐。帝子借餘光。猶能指迷路。

其四

本非炙手熱。偏惜然膏苦。照書不焚書。却賢祖龍火。

其五

蛾爲燈光滅。螢燒火不真。還當保明哲。切莫近宵人。

其六

數墨但尋行。沾沾逞夜光。何知大人相。離照出扶桑。

其七

夜靜簾初捲。風微帳不開。似憐無睡客。特遣小星來。

其八

瞥爾入門來。照點何曾徹。但使眼前光。心腸終不熱。

弄態秋容淡。撩人冷焰青。且前還且却。或恐假星星。

休誇入幕賓。光焰終須了。記取本來因。小人之德草。

手持玉如意。清坐花陰冷。新詞世所稀。一曲紅窗影。

山中雪色猿。子母常連肘。挂壁飲丹泉。攀花釀仙酒。

春陰壓杏花。欲落猶未落。翠羽兩三聲。飛上秋千索。

微雨洗梅花。空池影修竹。偶來亭上坐。頓爾睡清熟。

羅幃少風來。流蘇轉不歇。春猫滾繡鞋。鞋瘦如新月。

天目盆松。此松天目孫。嵯峩類其祖。中頂秀擎雲。猶堪坐巢父。

雀哺燕。燕死雀還來。啣花餉其壘。未省烏衣兒。誰爲報恩子。

步月雨花臺木末亭二首

月中一點山。亭下千章樹。葉落路荒唐。孤筇自來去。

其二

山烟流出山。樹影重生樹。秋光如有情。分月隨人去。

宿句容市

車鐸不停聲。中宵羣動起。此時高臥人。月射山窗裏。

新秋四首

東方漸欲明。朝霞月光接。披髮草亭中。疎螢坐荷葉。

其二

薄薄早秋光。偏與竹相入。小雨洒紗窗。拂曙翻疑夕。

其三

朝霞浮水上。水氣綠于眉。殘月猶在樹。櫛髮雙絲絲。

其四

偶搖白羽扇。閒挂青松枝。心手多無事。况遇秋聲時。

山中

溪邊不垂釣。山中不開門。開門山鳥驚。垂釣溪魚渾。

招友

松葉堪爲酒。春來釀幾多。不辭山路遠。踏雪也相過。

梅花

梅花冷如雪。半落山之嶠。不用復彈琴。無絃花自落。
種梅

種梅三百樹。月下落香雪。英雄多負心。難負梅花月。
偶題

長江無停流。古墓無靜樹。笑我獨垂綸。月中自來去。
附六言

山居

籬落不衫不履。草花半笑半啼。老我篔簹陋巷。看人

走馬鬪雞。

春游

平明欲來山寺。半路醉倒酒家。燕尾剪齊新草。游絲
釣得桃花。

飲虹橋

柳蘸鴨頭春水。草分燕尾晴沙。莫問旗亭遠近。窗前
認取桃花。

月下惠山飲泉二首

初光漸離遠樹。飲彩忽散游塵。月下有爐宿火。山中

無個人行。

其二

却笑品題陸羽。可憐醉飽王孫。曾飲中冷泉水。不如
此處清真。

題野僧茆舍

剪得白茅縛屋。半界山涯水紛。懶向軒前補衲。衲破
自有殘雲。

懷公言天目上晴下雨戲作

上界星河燦爛。下方風雨迷離。雲氣幻如蒼狗。雷聲

啼似嬰兒。

贈龍潭上人

每欲一挑山月。笑尋大小龍湫。何似寒塘半頃。蓼花
白鳥新秋。

題月夜送花圖

藹藹樹交巖澗。凝凝月上亭臺。卷幔忽聞荷氣。開門
客載花來。

日與僧照白公讀書博奕于其別也賦此送之二

首

十七史多刺謬。三千界亦模糊。試問烏窠和尚。何如
虎圈齋夫。自公讀書與奕。于其限也。報北溪之
其二
臨水知魚樂否。睹棋逐鹿爭先。汝去汝來誰縛。我仍
我與周旋。

澄鑒寺作

高屐見山雀躍。短筇覺我龍鍾。合作無才老子。差強
能忍三公。

山中臨水僧舍

石橋忽斷空沙。垂楊影帶蒹葭。客至一鐺新火。半是
門前浪花。

題雲山

雨過石生五色。雲度山餘數層。時有炊烟出樹中。多
處士高僧。

自詠

若非睥睨乾坤。定是流連光景。半瓢白酒初醒。一卷
黃庭高枕。

避暑二首

雨曳新蟬微響。風梳老雀殘翎。探洞却疑二酉。開山
不煩五丁。

其二

金坐人如溫玉。乞書箋似冷金。翠袖涼分竹色。朱絃
淨拂桐陰。

九月一日

籬下黃花堪把。城頭風雨初來。欲問重陽消息。不知
何處登臺。

題畫

筆在大痴畫中。畫在大痴筆外。恰好二百年來。翻身
出世作恠。

山居

手持班竹鋤頭。睡起刪花理草。忽然走入深林。驚散
一羣黃鳥。

有感二首

明明開眼作夢。急急掉頭是誰。二十四番花信。三百
六旬酒杯。

其二

世事向同談虎。人情却類泛鷗。莫問大方見笑。我已
小事糊塗。

聽經畢。衆法語。散堂三僧五僧。塵尾却掃何處。明月
山頂松棚。

讀書二首

夢贈江淹朝筆。鬼鑄張說橫財。老子近復興淺。家兄
久絕書來。

其二

水月流光灑瀨。梧蕉弄影模糊。老雀曾爲君子。蠹魚
猶勝凡夫。

贈道南上人

達磨踏西而去。誰知此道南來。了却本無住着。請看
鹿印空苔。

贈濂上人

錫杖半隨青席。獨宿萬頃寒雲。雲氣夜來飛去。藤花
又復紛紛。

贈古宗上人

兩祖東來心熱。文字一掃都空。欲鼓向來宗旨。莫教
心路常通。

贈雲麓上人
雲去雲來空谷。壁苔暗生茅屋。日斜一卷法華。坐對
飛泉自讀。

贈靜庵上人
山鳥一點秋色。藤枝半樹斜陽。試與僧雛掃石。消受
水影橫塘。

贈法空上人
欲與雪浪和尚。船頭一卷茶經。笑拍白鷗飛去。踏破
千頃洞庭。

坐僧舍紫藤花下
曾訪雪公到此。藤間一坐殘花。花落山僧掃盡。客來
惟有新茶。

寄居山寺
且從山水去來。莫問是非今昨。衲僧掃地焚香。童子
開籠放雀。

客至

瀟洒侯多編戶。清涼國有吾廬。忽覩快風快雨。恰逢
異人異書。

山中二首。東。莫。國。長。長。今。深。陳。醫。計。此。其。香。童。子。
野寺一里二里。山鄰三家五家。燒笋味兼蘭蕙。煮茶
香帶梅花。

其二。公。既。北。無。國。坐。亥。其。亦。若。山。計。蘇。盡。來。
燕子飛來枕上。荷花開到橋西。新涼幾番客至。永日
不住雞啼。

泊舟吳門。前。佛。國。寺。來。茶。湯。笑。自。自。出。城。去。到。茶。
要離墓前草白。專諸巷口塵黃。一片雄心誰寄。移家
試劍石傍。

題恒修法號
昨夜一番大雨。飛塵亂揚海底。北斗釣得蝦蟆。臭聞
三千里許。

題友人花園
細摘芥茶秋早。新開五菊霜遲。成名付之孺子。痛飲
真是吾師。

看鄰菊

處處栽蔬鋪地。家家穫稻登場。携我床頭斗酒。醉君
離下重陽。

眉公先生晚香堂小品卷之五終

眉公先生晚香堂小品卷之六

雲間陳繼儒著

詩

七言絕

山居

西崦茶塢有人家。雲抱青山水抱沙。記得春深無箇
事。梅花看盡又桃花。

鼓琴

老樹槎牙匝澗生。彈琴樹底月淒清。有時絃到真悲

處古戰場中。蟋蟀聲。

村居

青草湖邊白石西。花籬茆屋酒帘低。來來去去雙黃鳥。不到濃陰不肯啼。

余嘗過一山隣。老而嗜花紅紫暎戶。弄孫負日使人。不復知有城居車馬之鬧。况京師滾滾塵耶。贈以詩。

有箇小扉松下開。堂前蔬藥繞畦栽。老翁抱孫不抱甕。剛欲灌花山雨來。

山行

羣峰盤盡吐平沙。脩竹橋邊見酒家。醉後日斜扶上馬。霜楓一路似桃花。

西湖

空山無雨欲生烟。綠樹黃鸝幾箇船。三尺孤籐尋着汝。不教獨坐水聲邊。

讀神僧傳二首

寂寂空山報晚鐘。繞身三匝見獰龍。戲將絛繫龍鱗上。明日尋來是老松。

其二

百尺龍湫徹底清風吹一葉毒龍驚。老僧浴罷腥風起。霹靂光中嘯幾聲。

梵園

梓樹新移綠蔭門。此中獨坐了無言。藤花堆裏鐘聲出。却合山僧號梵園。

椿林夢宦

三教逸史八詠

羽扇綸巾坐嘯臺。邊塵不動塞雲開。碧霄欲展凌風翅。墮地原乘宦下來。

榆谷餐霞

餐霞夢到赤城邊。綵筆花生字字妍。人世不禁天際想。英雄退步卽神仙。

鈴閣談兵

威名能止小兒啼。更出韜鈴共指迷。塵尾風生雄辨發。數聲清柝五更雞。

衡闈講學

少小能彎五石弓。年來絃誦更雍雍。自從洙泗傳心後。爐雪功名一點紅。

芝屨問道

間關百戰命如絲。誰覺黃梁夢熟時。留得樓蘭三尺
劍。華山絕頂掘靈芝。

蓮界參禪

茫茫萬事總成空。稽首曾參亡是公。欲辨戰場真勝
負。春風百草鬪兒童。

五岳壯游

將軍三十已登壇。草木知名盡膽寒。幾度凱歸思卸
甲。名山深處學龍蟠。

三教會極

青天無滓月無塵。勲業空花學道真。誰識圖成麟閣
像。本來三教一閑人。

山園泉石

五色離離石子班。誰開新溜放春泉。泉聲如此聽不
盡。多買桃花種兩邊。

同郁季雅過庵山

窗中榆柳映繩牀。野色蕭疎納晚涼。却笑城邊僧寺
裏。叩門游客送迎忙。

題閑一上人壁

樹色周遮護水西。竹扉花落小橋低。庭中不獨馴飛鳥。雞爲聽經不敢啼。

初夏欲往小崑山題包彥平扇頭紀事

當年曾築乞花場。花事闌珊二陸堂。今日棹歌山畔去。新蘆高柳半斜陽。

米子華。金華居士也。彥平來雲間。諸社中皆集鴛鴦湖頭送之。渭城之句。子華獨闕。留以待之。余爲拈此。米南宮痴絕。東坡謂吾從衆。余亦類是耶。

湖頭舞棹入蒹葭。空望鴛鴦拍浪花。臨別不曾留半偈。數行空待米金華。

題野寺

城隅澱水帶斜暉。如雪楊花點客衣。犬吠隔村烟暖。暖僧棲獨榻對霏微。

感世

兩丸日月推名利。一片乾坤夾是非。試聽中峰道人偈。不如箬笠上漁磯。

雪中
買酒村中土馬遲。梅花歷亂開南枝。誰知風雪冷如
此。正是英雄射虎時。

題僧畫

南山北弄新晴。日出湖頭水氣明。記得斷橋臨別
處。數行秋樹共師兄。

題畫

別一山川眼更明。幽居端得稱幽情。由來老筆荆關
輩。施粉施朱笑後生。

得純陽焚香掃石之句偶作

掃石焚香過此生。隱居亦自有勛名。猶嫌剝啄驚門
雀。何日峰頭坐月明。

新秋雨中贈士倩女俠畫扇

翩翩俠骨較書才。才寫殘山未點苔。獨坐小窗停筆
想。畫中添却載花來。

戲題伯大渡水

雲山不斷蟬聲送。潮聲半壓蘋花重。漁郎忽入水晶
宮。誰將鐵笛來三弄。

題隱士
結茆半在古松層。松下清池好濯纓。此際斜陽淡如
許。更求添畫鬪茶僧。

舟中

出門沙鳥及江魚。臥看雲山坐讀書。却笑柴桑翻計
拙。門生二子荷籃輿。

供花

水晶甕子折花栽。欲倩東風未敢猜。昨夜一番春夢
好。果然養得海棠開。

贈武士

紫閣花飛散吏牙。肘懸金印淨胡沙。山中亦有閒勳
業。榻得蘭亭上白麻。

早秋曉櫺

蕭蕭洒洒數點雨。磊磊落落千章松。早起路旁無過
客。隔谿明月打山鐘。

春日

一夜東風半柳枝。家家小雨綠絲絲。如何漫興爲圖
畫。又乞先生一首詩。

卷之六
春游過貞女墓有感

濯濯新楊破水痕。纍纍孤塚有貞魂。烏啼深竹藤花落。落日輕烟罩墓門。

春閑曉起

一簾晴色養花風。鸚鵡馴人不閉籠。曉起恰當殘月白。提壺親自洗梧桐。

湘妃竹

翠筠點點滴珊瑚。帝子春魂若可呼。夜半洞庭風雨過。不將清淚滴蒼梧。

吳王試劍石

空山片石護蒼苔。醉倚秋風一劍開。荆棘蕭蕭零露白。夜深麋鹿下荒臺。

高帝斬蛇劍

王氣千年屬至尊。劍梢星古赤黃昏。陰陰大澤黃雲起。空望咸陽哭帝閭。

賈佩蘭出爲段儒妻

天上人間不可期。扶風月色淡蛾眉。御溝一片楊花水。曾入深宮百子池。

探丸

夜行曾不問金吾。走馬探丸意氣麤。斫吏歸來明月落。劍光寒濺血模糊。

送僧徧通游天台

夢游同汝坐莓苔。飛瀑懸崖萬丈來。夢裏瀑聲還撼夢。不如真箇到天台。

納涼二首

高柳陰森蟬咽時。橋西浴馬散踪絲。有人閑到山門過。歛立風前讀舊碑。

其二

簷燕衝簾帶子飛。青蟲風颺墮人衣。日長散髮湖邊坐。松結涼棚傍釣磯。

新秋

田田蓮葉起涼風。支枕高吟草閣中。何處歌聲振林薄。采菱船在蓼花東。

荷池涼夜

竹外田田蓮葉風。朱欄艸閣小橋東。不知若個能圖畫。畫入盈盈團扇中。

檢史

有序

萬曆甲午。司農郎葉公春及疏云。孔子刪書。斷自唐虞。迄周典謨訓誥誓命之文。凡百篇。秦火後。行于世者五十八篇耳。秦始皇二十六年。遣徐福發童女數千人。入海求神仙。徐福多載珍寶圖史。至海島。得平原大澤。止王不歸。今倭其種也。始皇三十四年。始下焚書之詔。故司馬光溫公倭刀歌曰。徐福行時書未焚。遺書百篇今尚存。乞乘小西飛封款之便。及纂修正史之時。檄至彼國。搜尋三代以前古書。葉公此疏實非迂濶。丹鉛總錄。雙槐歲抄。亦嘗言及之矣。春日課兒山房。偶談前事。戲題。

雪滿前山酒滿觚。一編常對老潛夫。兒曹空恨咸陽火。焚後殘書讀盡無。

新豐行

新豐高貲十萬戶。沽酒蹴鞠消殘春。莫嗔子弟多無賴。此是上皇諸古人。

夏熱思深秋之樂

秋風吹得萼絲滑。夜雨新炊。秔飯香。正喜故人茆屋下。橙薑鱸膾。話斜陽。

同秋潭看花

暮春猶是怯春寒。病骨支離看牡丹。小幙無風僧話久。一齊花與共平安。

天池

春當三月鳥聲忙。柳浪參差麥浪涼。此日吳閶好風景。僧厨十里焙茶香。

西湖

閒往閒來獨和行。柳花燕子水微波。西湖堤上平如掌。春艸青青放白騾。

洛陽

春夢時時到洛陽。牡丹開處酒亭香。尋常送客花千柄。蠟蒂筠筐接道傍。

廬山

古壁寒泉積蘚長。春潭雲木幾千章。何年乘犢入山去。醉石前頭結草堂。

乞牡丹

朱欄碧幄護輕紅。燕尾游絲蝶翅風。更與名花駐顏
色。小鬟偷插膽餅中。

同南華載菊候士倩代題

斷橋茆屋點秋沙。楓葉林端是妾家。曾記重陽新雨
後。扁舟有客送黃花。

題觀濠堂三首

楊柳垂枝掃落花。花飛起處是誰家。曲城新築觀濠
室。十里桑麻五色瓜。

其二

城頭人向樹頭行。半聽歌聲半鳥聲。此日觀濠堂上
客。何星不是白長庚。

其三

粉榭朱廊遶曲城。花枝竹篠水痕平。此中幸有吾師
在。日日雙柑醉聽鶯。

池上二首

一溪樹色一簾烟。茗椀薰鑪秋水篇。正合香山居士
句。芙蓉開在臥床前。

其二

曉起科頭坐竹邊。無聊拄頰更高眠。何來瑟瑟松風度。却是花闌沸茗泉。

題壽山福海圖二首

酒甕嘈嘈杞菊香。解衣松下月清涼。年來數畝山田熟。半作花錢半雀糧。

其二

蕭蕭綠髮映朱顏。買雀修琴不記年。門外客來無酒器。鏡冠長汲杏花泉。

春暮山居

萬壑松濤撲澗花。繡幢垂影打新鴉。猶嫌山淺通游屐。小闢峰頭別種茶。

贈山中人

松邊老雀雪爲翎。三足磁罏數卷經。彈罷絲桐過山去。風吹芝艸滿籃青。

送郁大碧歸樵李

楓葉黃時滿屐霜。歸家新秫酒花香。何當撥却蘆花棹。烟雨樓前話夕陽。

送人還山

一片空青遞遠鐘。鐘聲出處冷雲封。採得黃花送歸棹。臨行又贈白芙蓉。

贈醫士

山中親啓石函經。到處逢人號客星。才下刀圭枯骨起。醉騎雙鳥羽毛青。

游仙詩

閒將虎子浴前溪。有女如花坐奕棋。贏得一雙紅玉板。逢人便唱踏歌詞。

少年行

紫衣綠幘的嬌嬌。騎馬吹簫渡野橋。若使石郎應見此。宮花肯賜鄭櫻桃。

限韻

簷鳥初喧午夢長。荷花開盡白蘋香。鈎簾撥出爐頭火。摹得黃庭一兩行。

詠柳

紛紛白花初下柳。柳色青青膩如酒。樓頭人望陌頭人。春愁忽忽君知否。

詠桃

游。人。隊。隊。摘。含。桃。鳥。食。桃。殘。半。帶。毛。擲。却。桃。兒。上。船。去。柳。洲。亭。外。刺。雙。篙。

詠石

不。獨。橋。邊。有。黃。石。西。湖。之。西。今。復。赤。骨。青。帶。雨。更。帶。苔。半。匝。松。花。與。桃。核。

詠松

曾。笑。西。湖。九。里。松。樛。枝。數。尺。不。成。龍。只。因。枯。頂。時。多。月。照。見。南。高。峰。外。峰。

詠寺

我。曾。醉。上。西。湖。寺。紅。葉。梢。邊。影。三。四。三。三。四。四。白。雲。來。時。爲。雲。多。見。其。二。

詠舟

西。湖。一。百。捉。魚。舟。半。賣。游。人。半。酒。樓。惟。有。漁。郎。只。如。此。許。多。紅。粉。付。東。流。

詠馬

醉。來。峰。頭。橫。鞭。馬。松。梢。綠。生。松。外。瓦。馬。倦。爲。我。繫。松。根。臥。而。看。山。聊。且。且。

詠泉

長嘯無心惟咄咄。手摘松花及三撮。掃來枯葉煮新
泉。半是蠶聲半魚沫。

琵琶不彈愛彈削。鍰如芙蓉字如薤。女師元是聶隱
娘。劍術不向人間賣。

生嗔詩債欲爲僧。一頂蒲龕半壁燈。却怪支郎太多
事。醉牽白馬月中乘。

一領蓑衣一席風。滿天雪色稱詩翁。釣竿時向烟波
宿。海底珊瑚夜夜紅。

書扇

楊柳陰中洗馬時。涼蟬響在最高枝。醉來獨擁月明
臥。不與紅綃鬪賦詩。

題季仲舉扇二首

一畝新塘半折開。石頭溪出水滌洄。門外酒船何處
發。楊花桃葉渡頭來。

其二

數株楊柳數株桃。籬落稀疎薄暮潮。中有幽人住溪閣。讀書初罷學吹簫。

送黃孟威之金陵

太史唐元徵甥

紅板月明桃葉冷。白門霜薄柳枝黃。從來甥也多如舅。此去何人敢雁行。

長夏訪鄉居友人

槐穉疎疎急暮蟬。看人洗馬月初圓。博山沉水香烟靜。楊柳灘邊刺小船。

題畫

老去支筇已不勝。興來猶上最高層。長松落落微陰裏。只少斜陽掃葉僧。

壽朱錦林母七十

五色雲綃白髮新。前身元是魏夫人。一從崔到西池後。猶有青蓮花在中。

周公美得婉兒稱心戲作二首

明河如水夜何其。晏坐非關中酒時。女伴不知人冷熱。鬢邊抵死插花枝。

其二

芙蓉紫褶稱身裁。籠袖含嬌倚鏡臺。數日秋陰笙板
澁。郎如顧曲莫先來。

看芙蓉

太湖月出秋冥冥。辦得漁裝上釣舲。兩岸芙蓉一聲
笛。侍兒新賜號樵青。

秋日贈妓

拂紅束素日初斜。笑語居然是內家。欲取秋光輕貼
鬢。小鬟相得瘦黃花。

避暑

萬壑松濤碧欲流。石牀冰簟冷于秋。卷簾飛瀑三千
丈。恰對我家竹裏樓。

郁伯承留吳少君過年戲代一首

短髮禁風不出戶。擁爐聽雪西城隈。好待杏花春鴨
外。一篙直度到門來。

春日訪殷方叔

櫻桃花開春可憐。何處游人不放船。却羨白頭殷處
士。鷓鴣聲外獨耕田。

戊戌四月四日。積雨初豁。峰泖清妍。簫鼓振林。送

春船至。乃太史唐元徵也。訪余讀書臺。一宿而別。得絕十首。

登閣望泖

斜陽約略水西頭。餘景還能上竹樓。天際蘼蕪半窗綠。釣簑歸處起雙鷗。

看白駒泉

僧廚杉影野茶香。曲徑逶迤到草堂。笑倚山根覘泉脉。薔薇紅白道衣黃。

聽僧夜話

殘鐘忽報竹林東。古殿烟寒佛火紅。晚課罷時僧影散。院門雀叫落花風。

酌婉孌堂中

攜壺遙度嶺頭來。驚起棲鳥下石臺。春雨燈花寒自語。夜深偏傍故人開。

宿園室

甕牖分明屬臥游。一齊峰泖鏡中收。曉來霽色排天眼。千里雲濤見釣舟。

初聞黃鳥

雨餘石壁綠初齊。細拂苔痕認舊題。讀罷支頤碧窗下。松花如雪打黃鸝。

僧乞書

素練烏絲百尺長。含毫飽濺墨花香。偷閒欲與山僧話。却笑差科半日忙。

饌香積

抱花尋壘燕飛飛。椿樹抽芽蕨葉肥。一餉平分僧鉢飯。歸舟已候綠楊磯。

臨行以舟中瓶花爲別轉游佘山

欲別殷勤贈牡丹。膽瓶春色未全闌。不知嘯入東山去。刻竹題詩遍幾竿。

元徵有入林之約戲嘲訂之

碧山學士少山居。若比愚公尚不如。何日巖扉喜隣竝。五千佛藏萬籤書。

送友應試南都

五花龍馬齒新齊。何處行空汗血蹄。八月桂叢秋正好。聯鑣十里孝陵西。

吳德言念松石翁不忘乞介公寫圖索題以詩

風吼松濤萬壑哀。寒泉迸石繞泉臺。老僧墨澣孤兒血。攝取先生曳杖來。

和令則題畫七首

山中雨後綠交加。浙浙棕鞋樹底沙。坐歇草庵僧不見。白鷗如雪挂藤花。

其二

綠到春山不可加。卓庵峰處盡丹砂。湯泉難化千年雪。雪裏常開五色花。

其三

山村雨霽水痕加。鴨嘴灘頭燕尾沙。新結松棚新試茗。好風無力掃藤花。

其四

十載開山老漸加。偶然鴻爪印泥沙。曉來梳髮池亭上。不卷疎簾對藕花。

其五

鏡中不怕鬢霜加。且與兒童學聚沙。三疊黃茆千箇竹。四邊青嶂一池花。

其六

睡起難禁酒力加。醉時隨臥白鷗沙。草堂位置新籬
落。蕉葉西邊橘試花。

其七

攀上孤峰力更加。村墟簇簇水中沙。農師老稚無憂
色。社鼓簌簌鬢插花。

采蓮曲

雙雙齊唱采蓮歌。十里荷香暗綠蘿。不怕溪頭秋水
濶。由來少小慣風波。

若耶溪

苧蘿山下住西施。昔在吳宮今在誰。流水無聲村徑
隔。小桃新柳坐黃鸝。

北風吹裙帶

一鈎斜影上茶蘼。羅帶飄風不自持。背却小姑私拜
月。水晶簾外又來窺。

宮蠶

女桑新綠映宮槐。三月春風戴勝來。織就鴛鴦錦千
疋。金刀先取合歡裁。

燕姬墜馬

十五妖姬髻似鴉。金鈿彈面玉釵斜。驪駒忽墜珊瑚
鐙。燕子低飛掠杏花。

春閨怨

寶鏡春花嬾畫眉。紗窗明月鬪彈碁。閒來偶向池邊
去。楊柳青青又幾枝。

載菊

取次山人酒一瓢。趁潮歸去路非遙。當船明月織如
許。載得黃花不碍橋。

贈雪浪師

曲水迴舟度九峰。坐來窗外落疎松。何緣二陸干將
地。無限藤花蔓草封。

題山僧黃雀山樵卷後

帶粉新篁半度墻。入門松影落匡床。畫中詩句詩中
畫。付與山僧半日忙。

山中

薙草澆花老比丘。焚香時坐最高樓。年來踪跡厭城
市。不向隣家借釣舟。

藏鈎

明香堂 卷之六
隔牆垂柳似章臺。花濕胭脂帶雨開。若箇巧藏鈎在
手。盈盈含笑誤人猜。

蹴鞠

繡陌花明艸色繁。綵毬飛處萬人看。不禁香汗羅衣
濕。其奈輕腰錦帶寬。

鞦韆

粉蝶朱闌挂綠楊。春風飄蕩綵絲長。只緣睡起嬌無
力。落地花泥滿綉裳。

春日獨當壚

石榴裙帶漾春風。酒幕高張綠樹中。脫下金貂須醉
飲。阿郎騎馬獵新豐。

七寶避風臺

太液春風絕可憐。朝來吹綠一池烟。雲屏錦帳當空
起。千尺金臺九品蓮。

薛夜來

紅粉三千獨擅名。暗縫龍袞自分明。六宮減却驪珠
價。神女新來不夜城。

清夜游西園

蘭葉疎疎白露溥。珠簾銀燭夜光寒。西園公子風流甚。千古才名屬建安。

愛妾換馬。紅顏黯淡破新裳。紫燕翻飛服上襄。總愛桃花文五色。寧憐柳葉淚千行。

大題 泖塔

泖上空波疊亂沙。寺門橋斷半蒹葭。何從一借風帆力。醉挾飛鷗拍浪花。

山中寺

一天秋色淡松花。獨雀歸來帶落霞。石洞草深僧入定。白雲飛出護袈裟。

題畫

秋氣叢叢撲暗沙。紅樓燭冷聽琵琶。曉來憑几看秋色。隔浦芙蓉未着花。

初夏卽事

梅雨晴時處處蛙。尋常家釀不須賒。老親醉後盤飧散。瓶裏初開夜合花。

題徐孝廉瞻親圖

當年堂上舞衣鮮。此日瞻雲思惘然。底事蛛絲網書
篋。涕餘愁見蓼莪篇。

春郊卽事二首
十里松陰水上浮。晴沙細草臥江鷗。過橋欲看春山
色。一片寒雲落杖頭。

其二
桃花春水鱖魚香。帆影飛來挂綠楊。一帶平沙似圖
畫。醉聽黃鳥濯滄浪。

贈陳鏡仙風鑑
兩鬢蒼蒼毳布青。山中親啓石函經。相逢笑我烟霞
骨。知爾前身是歲星。

題壽安寺壁
灌木陰陰殿角斜。寺門一帶好人家。春潮退後溪風
急。破網無魚挂落花。

題漁者圖
挈罌坐釣秋江湍。沽酒容易求魚難。世間好物不在
速。三尺鱸魚晚上竿。

秋隱

芙蓉如樹不開門。水氣泠泠花氣渾。長日山扉無一事。蕉陰滿地鬪鷓鴣。

送友人游南都

長干明月酒如泉。叢桂紛紛撲畫船。匹馬踏開紅板月。綵毫題帶白門烟。

過孫世聲園居

出郭行游日未斜。尋常笋蕨稱山家。枯藤半挂疎籬畔。一道香生鶯粟花。

晚泊

近來學得倪迂法。藏酒緘茶更惜香。不是留些窮活計。若爲消得這斜陽。

園居

涼蟬晚咽芰荷風。茶熟香清草閣空。忽憶閩中新雨後。峰頭金碧荔枝紅。

花生日戲作三首

百花生日雨初晴。年尾年頭果價平。恐是有花郎不識。戲將紅線記花名。

其二

的的櫻桃當井開。笑郎終日不曾回。入門便有好花
插。花少郎多次第來。

其三
一陣春風萱草西。團團如雪滾春泥。若非生帶桃花
煞。何故終朝不住啼。

對雀

獨眠石室竹千竿。看爾仙姿振羽翰。別後山僧寄書
至。開函先問雀平安。

得雀

開籠有雀印蒼苔。雀到真如道士來。我已機心渾忘
却。自鳴自舞莫相猜。

再題烟雨樓

秋老蘋花帖岸開。雪鷗一點夜飛來。逢人盡道游烟
雨。月白何曾獨上臺。

丙申閏月築小崑臺

恐飢買得山陰地。赤足來疏雨後泉。何日歸歟蓮社
裏。故鄉重結白頭緣。

題王楚玉蘭

年來空谷半霜風。留得遺香散草叢。只恐樵人混蘭艾。紅顏收在束薪中。

山中自敘
榻得平原爭坐帖。放開兜率照顏花。此時穀雨新晴後。櫻筍初甘又試茶。

游資慶寺

我來入寺非生客。曾與名山夢裏游。一笑相逢借盧橘。滿筐分破洞庭秋。

登縹緲峰

十頃湖光四面開。松陰上下點如苔。莫言縹緲君曾渡。先有樵人雲外來。

贈洞庭種桃道士

椰瓢葵扇竹筐斜。每對松風一點茶。却笑閒人有清病。白頭辛苦種桃花。

贈醫

採得神芝已滿囊。一簾春雨喜初黃。門前底事多車轍。人說君家降藥王。

送戴望之富陽讀書

松風十里冷于秋。江水潺潺及馬頭。君去若尋消夏處。釣灘六月好披裘。

題恰受船

菱葉疎疎不得舟。綠蓑時挂釣竿頭。此中無物堪容汝。剛許沙鷗一點秋。

燕未來

百花深處艸堂開。風雨愁人燕未來。無數落花思燕子。莫教容易掃蒼苔。

題仙館圖

有序

玄宰爲季重王使君作仙館圖。極得董巨筆意。半以吳興運之。今使君出宰青溪。暫作峰泖客。卿有玄宰烟雲供養。勝於玉宸香案吏多矣。佛經有人非人等。故題一絕于上。

北窗一榻我愛我。南華半卷人非人。仙曹官吏如蟻。蝨傲骨難甘作弄臣。

題雲山

谿山鶻突雲慵董。大年直接襄陽統。古格寥寥誰賞音。琴上無絃筩無孔。

題松

入林松影綠茫茫。叢艸多聞琥珀香。雀子解飛乘月去。空巢生出野鴛鴦。

題畫

翠壁丹崖赤板橋。隔林黃葉更蕭蕭。何當踏月橋邊去。千尺飛泉酒一瓢。

贈堪輿

緊絆芒鞋未肯休。月明長嘯萬山秋。異人傳得搜龍訣。到處能教石點頭。

讀項羽傳聞畫眉

疎星淡月曉風輕。熟睡山樓夢亦清。讀到虞兮離別處。英雄那得畫眉聲。

和葛實父

風風雨雨無人至。有客繫舟來看花。君號懶髯真箇懶。酒瓢不挂別人家。

山中

空山無伴木無枝。鳥雀啾啾虎豹饑。獨倚長鑱衣短後。五更風雪葬要離。

壽沈節母

五更機杼讀書檠。膝抱雙孤課一經。兒已成名婚嫁畢。女中原自有程嬰。

結夏翠峰寺

古院濃陰夏亦寒。追涼更喜石臺寬。蕭蕭記得東軒竹。綠玉無塵粉未乾。

妓席不赴詩以謝之

桐花如雪散空堦。香氣網縕百和諧。不及綠毛么鳳鳥。飛來先挂美人釵。

洞庭白馬廟。楊梅萬株麝香百合不計數。同蓮儒

平叔諸君探之。

筍輿直上白馬廟。更下太湖浮酒杯。百合滿山香麝發。人人登樹採楊梅。

夜宿沈謙之庄口二首

太湖風送波如烟。收入荷香淺港邊。小閣曲橋臨橘柚。日斜恰到捕魚船。

其二

買得湖魚鮮更肥。坐無遷次酒交飛。雪花梨白葡萄

紫。明月紅樓在翠微。

睡起

妖姬十五髮初齊。倦倚花欄日欲西。幾度小鬟扶不起。畫眉人怕畫眉啼。

吊達觀禪師

當年曾住碧山頭。未必公卿盡海鷗。莫怨網羅彌世外。鳳麟只合赤霄游。

胥口伍相國廟

廟門老樹何年栽。赤日生火陰風哀。神騎白馬湖中

來。鴟夷子皮浪打開。

太湖石

嵌空巖竇綠氤氳。半是霜灘舊水紋。昨夜何人弄湖月。笛聲吹裂洞庭雲。

九月送古水游天池諸山得六首

斯人不可使常閒。繫絆芒鞋踏遍山。月落雞鳴未歸去。歌聲猶在水西灣。

其二

偏袒松根懶下山。斯人不可使常閒。夜來搜得新詩

句。月照碧窗黃葉灣。人不可使常閒。如此秋光如此月。斯人不可使常閒。

其三
家家種橘住溪灣。籬下黃花屋下山。如此秋光如此月。斯人不可使常閒。

其四
斯人不可使常閒。閒看青帘不看山。底是危橋偏欲渡。酒家遙住桂花灣。

其五
年尾年頭只愛山。斯人不可使常閒。為儂鈎榻殘碑字。碑在松杉灣更灣。

其六
小船撥過小溪灣。菱葉紛開見遠山。放却漁竿便吹笛。斯人不可使常閒。

題杜少陵集
兔脫如飛神鶻見。珠沉無底老龍知。少年却悔輕吟咏。五十方能讀杜詩。

新燕
趙家姊妹不如他。穿入珠簾疾似梭。輕俊無過新燕

三十四

晚香堂 卷之六

子。小時喫得落花多。
題龍華寺

浦邊分得一袈裟。勅賜龍函出內家。好向東軒開一
竇。紙窗修竹對梅花。

題香山九老圖

蓮花巾插舞山香。南岳吹笙月似霜。侍女雙成休誤
曲。曲中能顧有周郎。

初夏

小舟貼岸綠陰齊。爲愛西峰更轉西。茶後香前圖一

覺。深松細雨叫黃鸝。

休夏山居

六月貪看瀑布涼。兔絲風擗茯苓香。攜筇轉入深巖
裏。冷對長松坐草堂。

避客

叢竹名花一畝宮。猶嫌閭井認山翁。重巖洞裏松泉
下。結箇小庵東更東。

登山

緊絆芒鞋未肯休。月明數里到峰頭。不須榔栗過眉

杖我狎山君似海鷗。

鐘樓

雲物晴開萬井塵。滿城花鳥換新春。一聲敲破乾坤夢。喚起茫茫未醒人。

漁舟

有白鷗處不受暑。多綠楊邊好放船。却把功名都打破。一竿風月弄江天。

雨霽

忽得松風枕簟清。前山雨霽石樓明。卷簾不見樓中

客。竹裏遙聞落子聲。

出塞行

秋風何處起悲笳。塞草荒荒一片沙。白晷將軍紫騮馬。千鍾虜酒面如花。

梅花二首

酒清花綺雪交加。睡足春宵春夢賒。夜半微風打窗紙。不知是雪是梅花。

其二

月中無際定花光。春氣細縕別有香。半臂黃衫何處

客一聲長笛滿樓霜。

燕未來

輕寒輕暖軸簾鈎。花月虛無燕子樓。樓上美人慵未起。殘粧冷落玉釵頭。

種松

新髮鬖鬖碧似松。曉叅夜坐候孤鐘。莫教洗鉢石臺下。山後年來有臥龍。

坐友君軒

竹林深處小亭開。獨雀時時啄紫苔。羽扇不搖紗帽

側。晚涼青鳥忽飛來。

同玄宰看梅二首

一瓢隨意坐山家。醉後重扶上小車。不是向人驕健骨。春遊只恐負梅花。

其二

先生杖屨故閒閒。每到花時嬾出山。只使下山常送客。不離香雪幾回灣。

客至

小窗前後對山開。樹底幽禽去復回。簾外忽聞人語

響柳陰誰抱短琴來。

春暮

杏花如雪雨星星。病骨支離一草亭。三月芒鞋猶挂壁。門前山爲阿誰青。

山中

燒却兵符臥草萊。春醪初熟早梅開。深林雪暗多虎跡。荷蓀丈人何處來。

贈友

不到山中三十年。布衣芒屨髻蒼然。門前丈許籬邊

地。曾坐桑陰一聽蟬。

訂友

雙鳩喚雨單鳩晴。笛中柳枝縱復橫。好風忽捲讀書幔。待君到此新笋生。

見楊花

爲憐春去一登臺。非雪非梅不可猜。半百老人頭漸白。莫教吹上髻邊來。

題花主人家三首

春風無力柳條斜。新草微分一抹沙。欲向主人借鋤

鋪。掃開殘雪買梅花。

其二

返棹山中日未斜。釣磯潮退弄平沙。雨餘茆屋秋無恙。一樹桐陰覆菊花。

其三

同僧來訪夕陽斜。綠樹模糊界白沙。風咽蟬聲吹不斷。一窗幽夢紫薇花。

深秋

草綠蘋香穀水紋。秋山寂寂冷斜曛。庭前雙桂窗留

影。時宿寒鴉與斷雲。

南都

太平風物是京華。白馬黃衫七寶車。寒食鬪雞歸去晚。院門新月印梨花。

春游

柳葉沉沉蘆笋肥。碧湖青草鷺鷥飛。桃花一樹魚三尺。不醉月明人不歸。

銷夏

幾日不登峰上頭。參差竹樹已沉樓。到來不用尋銷

夏。雀。叫。一。聲。天。欲。秋。

秋夜歸

蓬底寒蛩點客衣。村邊漁火度橋歸。空山何處吹秋
笛。深夜無風雲自飛。

有懷

村邊楊柳已拖黃。一路雲埋舊講堂。偶向梅花村裏
度。芒鞋到處雪痕香。

題畫

怕將名姓落人間。買斷春江蘆荻灣。幾度招尋尋不

得。釣魚船子在深山。

春日山居

花谿柳浪綠參差。一路黃鸝弄舌時。笑我姓名藏未
穩。白頭田父解求詩。

渡泖

秋老江瀕漾夕空。蕭蕭楓葉挂疎紅。那知三泖清秋
思。偏寄蘆花一寺中。

看菊

四面羣峰入草堂。尚餘竹木繞迴廊。雖然處士無功

業也。種黃花滿地香。斜於木葉風飄。飄然。士無
題壁間偈 附

一兔橫身當古路。蒼鷹纔見便生擒。後來獵犬無靈
性。空向枯椿何處尋。
靈隱作

竹引峰頭泉外泉。幽栖恰入畫中禪。牕前五箇老松
樹。松鼠窺人自在眠。
讀陽城王興傳

耳出頭顱下及肩。嵩山人說地行仙。長食九節菖蒲
葉。十五桃花美少年。

和西生乞松詩

栽松莫問路西東。補足前朝十八公。我願化爲長耳
佛。來來往往聽松風。

題版築求賢圖

兩番卜相屬英雄。時事違心進泖東。新主詔書求
版築。登朝猶是黑頭公。

法相寺祈男得男者。許種松一萬。有損松者。報亦
如之。

晚香堂
卷之六
六橋徧種桃千樹。攀折花枝委道邊。我欲種松三四里。生男箇箇耳垂肩。

和陸劬思二首

儲無擔石任人嘲。數卷殘書續命膠。負米有時曾再出。蓬蒿門外莫論交。

其二

自笑自歌還自嘲。生平不與俗緣膠。草堂種得百竿竹。唯有此君堪定交。

牡丹

天彭牡丹天下奇。王孫買種騎交飛。馬頭籠得名花至。馳入成都露未稀。

壽吳永錫母夫人五十

客皆將相兒應貴。經世文章已大名。莫向君平常問卜。夜聽機杼讀書聲。

眉公先生晚香堂小品卷之六終

眉公先生晚香堂小品卷之七

雲間陳繼儒著

詩

四言

山居集字

升高刺深。谷窈泉甘。旣安旣閑。南山之南。俯仰百歲。消磨豪傑。何如此中。飲冰聽雪。裂石介嶮。老木蔭廬。上德不德。左圖右書。簡欲刻名。休養生息。疏鑿畎畝。以樂賓客。

春風堂
卷之七
春日七章

春風婆娑。楊柳之陰。林有黃鳥。如歌如吟。

其二

十畝之郊。菜葉薺花。抱甕灌之。樂哉農家。

其三

春水漸寬。青青者芹。君且留此。彈余素琴。

其四

板橋之上。宛宛蘼蕪。誰將輕舟。弄此春波。

其五

遠觀諸山。春陰欲雨。風雨之朝。惟余與汝。

其六

塲頭平平。鋤棘及草。留此好花。以待春鳥。

其七

春日欵欵。春風洋洋。予寧匪人。而勿翱翔。

贈西域僧

師從西天來。游東土。十方程途。不記年所。懶縛獰龍。
怒叱劣虎。迦毘盧佛。是汝初祖。

西湖二章

孤艇一尺躍於中流。酒在船尾。花在船頭。

其二

旅旅酒亭。落落水亭。紅衣者客。白衣者僧。

題畫三章

車塵馬足。續續紛紛。吾獨幽寂。青山白雲。

其二

非葉公龍。真裴旻虎。南宮之孫。北苑之祖。

其三

五畝之宅。十畝之園。有木有石。有橋有舡。

山居

高梧修竹。靜者之居。風瓢不鳴。夢亦清虛。客至有酒。客去有書。披裘種花。著屐采蔬。南山雪霽。北牖風初。如此不樂。歲亦云徂。

秋山行

落落澗壑。瑟瑟江楓。野人獨往。淒其以風。

游仙招隱章

芙蓉之邊。着我高屐。朝餐紫芝。暮煮白石。鮮芝滿囊。奇石滿床。修眉披肩。清風來吹。

題枯木竹石

新篁含粉。枯木生苔。一讀道書。清風徐來。

贈見無上人

萬法既無。從何處見。若欲見之。石火間斷。

贈本空上人

萬法本空。汝心自喧。喧者若寂。火斷無烟。

贈僧塵

新剪松枝。縛作談塵。曾悟如來。客來無語。

聽經罷

一雙秋鴈。飛度雲中。中不留鴈。鴈不留空。

題蘭

寫蘭之妙。氣韻爲先。墨須神品。水必新泉。研滌宿垢。筆純忌堅。全憑寫勢。正背欹偏。含三開五。總歸一馬。石須飛白。翠竹一竿。

題東坡笠屐圖

無雨無風。戴笠戴屐。此老童心。也消不得。

夏日園居

梧陰滿簾。荷錢滿渠。鳥聲乍變。粉籜半舒。前有紫榴。

後有綠葵。奇石古鼎。故人異書。茗椀水沸。香烟篆紆。
燕雛兩兩。遶簷學飛。老農三三。荷鋤始歸。破醒夢關。
結逍遙廬。既康且閑。不醉何如。

避暑

廬山瀑布。峩眉積雪。泰岱秦松。瀟湘竹葉。各繪一屏。
左右陳列。簟紋清涼。石几凝滑。卷簾看花。欹枕候月。
蘭泉蕉風。新浴方潔。此避暑方。贈君怡悅。

試茶

綺陰攢蓋。靈艸試旗。竹爐幽討。松火怒飛。水交以淡。

茗戰而肥。綠香滿路。永日忘歸。

書壁二章

衡門之下。有琴有書。載彈載詠。爰得吾娛。豈無他好。
樂是幽居。朝爲灌園。夕偃蓬廬。

其二

人之所寶。尚或未珍。不有同愛。云何以親。我求良友。
實覲懷人。懽心孔洽。棟宇誰隣。

題隱居圖

十畝之園。數椽之屋。旁列圖書。隨意花竹。召客有酒。

耕田有犢。晚厭娥眉。餌藥獨宿。

避客

吾乘小舟。避暑避客。高柳之下。密蘆之側。卷簾焚香。施簟布席。間拂壺觴。或游翰墨。酒罷科頭。山前月白。

新開園圃

行高初筮。節甘暮年。愛素好古。辭事就閒。裂石介道。植竹引泉。少時繁密。有若自然。誰美同此。山癯列仙。

題杏花鴛鴦

春水瀾瀾。杏花初香。拍而來者。五色鴛鴦。

壽張三星

清如長公。喬出留侯。六曹粉署。十石碧油。投錢飲馬。鏗玉鳴騶。息偶六月。名垂千秋。宜男堦草。多子庭榴。綦鳥交錯。羣心獻酬。何以壽之。三公黑頭。

題百子杯

天錫之祥。蘭桂承芳。飲此醕矣。以世其光。

題桃杯二章

東方獻桃。玉女承漿。酌言嘗之。萬壽無疆。

其二

瑤池桃實。千年一生。東方獻之。以作壽樽。

題杜弼武榮福堂

桓桓將軍。世鎮西土。修髯若神。猛氣吞虜。馬參飛龍。
士臥虢虎。霞閃旌旗。雷轟笳鼓。巢搗雪中。凱歸月午。
辮髮款關。移帳深塢。百二秦關。十九安堵。上將紫貂。
偏裨青組。玉冊金書。煌煌神武。世福實榮。功高勞苦。
持此忠貞。以作干櫓。

烏孫公主

我來烏孫。自治宮室。歲時一會。置酒飲食。烏孫龍鍾。

無語不通。罷飲悲歌。涕泗縱橫。

清明四章

磊磊落落。大石小石。新鴉初青。楊花已白。

其二

城齒齟齬。影臨流泉。醉人白馬。相逐於田。

其三

白晷紫衣。浴馬橋下。願言從之。夫我不暇。

其四

汝醉倩我。我醉倩汝。鶉鴝烏烏。載風載雨。

村中四章

鹿皮班班敷於岸側。仰聽黃鸝。花落我幘。

其二

落花無聊。以逐新潮。願爲漁父。刺舟溪橋。

其三

橋頭班坐。新草如縷。盍歸盍歸。炊烟欲午。

其四

新酒旣開。故人方來。清風穆如。當予好懷。

秋山卽景

雲岸歷暎。杉栝竦直。碧山之下。寸寸秋色。野人樵子。何處不匿。冠劍百族。誰知此極。松深景暮。悵然嘆息。

雪景莫若山。山雪莫若月下。余嘗目擊而賦四言。

夜啟巖牖。淡而無風。月直松際。雞鳴雪中。

山中五章

烟白雲青。竹樓茶塢。中有潛蛟。呼之或舞。

其二

楊柳菰蘆。回互寺前。俗客不到。詩衲高眠。

其三

奇雲盪胸。我懷英雄。濯足湖上。蕭然以風。

其四

踈踈蕭蕭。木落草凋。有客來此。臥詠離騷。

其五

蕭蕭踈踈。木落草枯。誰與共之。孫登其徒。

遊仙曲同王修微霜月下作

月白雨霜。揮一條絃。聽者爲誰。三五列仙。有美少姝。衣錦竒鮮。舉袂揚風。詞麗以閒。彈曲未終。清淚潛然。天上無憂。人間可憐。

附贊

四先生贊

有序

知希則貴。身隱焉文。雖差樹遁。世之藩籬。亦半立藏拙之門戶。旣爲男子。恐與草木俱灰。露盡英雄。廼以神仙退步。我思古人。得四先生焉。各系以贊。

越大夫范少伯蠡贊

勁吳死。殘越生。裝西子。浮海行。耕于齊。爲上卿。賈于陶。散千金。出見奇。徙成名。鳴夷子。何童心。

周處士魯仲連贊
喜高節。嗜奇策。挫秦帝。解齊厄。掉富貴。若雲烟。鴻冥冥。何慕馬。我執鞭。魯仲連。

韓義士張子房良贊

秦之鹿。椎其足。楚之猴。烹其頭。漢之馬。得天下。帝借公。公借帝。爲韓來。報韓去。前黃石。後赤松。張子房。真英雄。

唐鄴侯李長源泌贊

辟五穀。相三帝。寢對榻。出聯轡。九仙骨。一品衣。功太高。跡太奇。如龍見。如龍潛。吾師乎。李長源。

十六應真像贊

第一尊者。趺坐結跏。蠻童鬪頭。簪插野花。有鬼使者。伏地稽顙。童側取書。珠在象罔。

第二尊者。橫玉如意。老人何來。擎琉璃器。傾器瀉出。五色舍利。光明熾然。照天照地。

第三尊者。扶烏木藤。千載老猴。雪髯垂膺。跪頂珍果。投誠聖僧。笑而受之。曼笑騫騰。

第四尊者。細眼蹲坐。張口如箕。捧腹如瓠。好醜聖凡。

但笑不嗔。惟無所嗔。故曰至人。
第五尊者。石印雙趺。左手持願。右手弄雛。雛猊妥尾。
搖首叫呼。金繩黃環。付彼髯奴。
第六尊者。坐臨淵濤。擁膝不語。目睽雲霄。神如止水。
綠髮素綃。投函侍者。兩頰紅潮。
第七尊者。彊眼獰貌。松深草香。睡熟始覺。龍蟠掌心。
鬢甲飛掉。戲攫其珠。雲霆雷電。
第八尊者。額語相向。僉膝而坐。加肘其上。侍兒汲水。
神湧地出。異寶滿盂。賤等瓦石。

第九尊者。鬢髮蝟鬚。骨見衣表。非仙非癯。食已撲鉢。
指歷數珠。沙彌搆火。烹紫琳腴。

第十尊者。年少橫經。老宿霜髭。俯首以聽。生死無常。
日月甚駛。摧黃高山。道無老穉。

第十一尊者。短衣腹禪。骨面皴古。如枯樹根。垂足虎
頂。如狎猥豚。孺子怵惕。却步逡巡。

第十二尊者。鹿鞞虎皮。水晶軍持。中插楊枝。飄洒甘
露。鸚鵡來儀。聲無凡音。自稱雪兒。

第十三尊者。不譎不詭。欹坐栢下。手屈三指。荷葉田

田其花如綺。巢者神龜。捕者童子。第十四尊者。顏若朱塗。紫衫青鬪。裂眦鬚胡。一臂怒張。手托浮圖。豈惟浮圖。大地山河。第十五尊者。披笠覆鎧。牽臂褰裳。浮涉大海。世外之徒。豈有風波。示相宰官。公無渡河。第十六尊者。童顏豁齒。修眉掛筇。長尺有咫。有客問道。不言。晒爾五百年來。懶鑽故紙。

大士贊

巧笑倩兮。美目盼兮。彼美人兮。西方之人兮。

布袋和尚像贊

行也布袋。坐也布袋。放下布袋。何等自在。

達磨贊

路見不平。把五千四十八卷。一齊束付東洋大海。却向震旦。專逞口尖舌快。早是踏蘆西歸。若遇眉公。斷不許臊鬚。于奇萬怪。葉畫神龍。見真者自應胆碎。此何故。壓捺這人。只為後世野禪。卜度思量。偷心猶在。此之謂陰符。有云。害生于恩。恩生于害。這老漢九年。面守空壁。問渠枯骨頭上。覓恁麼計。若遇陳居士。熱

掌翻打潑皮。只打他青天白日。如何鬼出。

酸口施食贊

焦面鬼王。施喜法食。山魃木客。嘯樹頭。羅刹哪叱。倚石骨山僧。持真言。髮荔仗佛力。揚眉瞬息。明月中龍臥鉢泉。虎臥錫。須臾陰霾戰玄黃。神燈半向蘆根出。劃開鬼門與鬼窟。小鬼笑侮老鬼泣。何以故。般若波羅密。

眉公先生晚香堂小品卷之七終



